

Na osnovu člana 5. i člana 12. Zakona o Agenciji za privatizaciju ("Službene novine Federacije BiH", broj 18/96) i člana 95. stav 1. tač. 1. do 12. Pravilnika o postupku prodaje imovine i dionica ili udjela preduzeća ("Službene novine Federacije BiH", br. 19/98 i 15/99), Upravni odbor Agencije za privatizaciju u Federaciji BiH donosi

## **UPUTSTVO**

### **O IZMJENAMA I DOPUNAMA UPUTSTVA O OBLIKU I SADRŽAJU OBRAZACA OBAVEZNIH U PROVEDBI POSTUPKA PRODAJE IMOVINE I DIONICA ILI UDJELA PREDUZEĆA**

#### **I**

U Uputstvu o obliku i sadržaju obrazaca obaveznih u postupku prodaje imovine i dionica ili udjela preduzeća ("Službene novine Federacije BiH", broj 33/98), u članu 6. obrasca "Pravila javne aukcije" stav 2. mijenja se i glasi:

"Nakon proglašenja neuspjelom prve aukcije, aukcionar oglašava početak druge aukcije za isti predmet, u kojoj mogu učestvovati samo lica sa liste učesnika prve aukcije."

U istom članu dosadašnji st. 2. i 3. postaju st. 3. i 4., a dosadašnji st. 4. i 6. brišu se.

U članu 8. istog obrasca, riječi: "prodavac zadržava" zamjenjuju se riječju: "gubi".

#### **II**

U članu 2. stav 2. obrasca "Ugovor o kupoprodaji predmeta aukcije", riječ "Iznos" zamjenjuje se riječima: "Gotovinski dio", a stav 4. mijenja se i glasi:

"Dio kupoprodajne cijene koji plaća potraživanjima sa Jedinstvenog računa Kupac će prenijeti na Zbirni račun koji se vodi u poslovnoj jedinici ZPP u roku od od 30 dana od dana potpisivanja ugovora."

#### **III**

U članu 2. stav 1. obrasca "Ugovor o kupoprodaji predmeta tendera (obavezni elementi)" riječ "aukcija", u različitim padežima, zamjenjuje se riječju "tender", u odgovarajućem padežu.

U stavu 2. istog člana, riječ "Iznos" zamjenjuje se riječima: "Gotovinski dio".

U stavu 3. istog člana, ispred riječi "Gotovinski" dodaju se riječi: "Za predmete prodaje iz čl. 26. i 29. Zakona o privatizaciji preduzeća", a riječ "Gotovinski" zamjenjuje se riječju: "gotovinski".

Stav 4. istog člana mijenja se i glasi:

"Dio kupoprodajne cijene koji plaća potraživanjima sa Jedinstvenog računa Kupac će prenijeti na Zbirni račun koji se vodi u poslovnoj jedinici ZPP u roku od od 30 dana od dana potpisivanja ugovora."

#### **IV**

Ovo uputstvo stupa na snagu danom donošenja.